


卷之七



妙法蓮華經常不輕菩薩品第

二十

七

尔時佛告得大勢菩薩摩訶薩
汝今當知若比丘比丘尼優婆塞
塞優婆塞持法華經者若有惡
口罵詈非謗獲大罪報如前所

說其所得功德如向所說眼耳

鼻舌身意清淨得大勢乃往古

昔過無量無邊不可思議阿僧

祇劫有佛名威音王如來應供

正徧知明行足善逝世間解無

上士調御丈夫天人師佛世尊

劫名離衰國名大成其威音王

佛於彼世中為天人阿脩羅說

法為求聲聞者說應四諦法度

生老病死究竟涅槃為求辟支

佛者說應十二因緣法為諸善

薩因阿耨多羅三藐三菩提說

應六波羅蜜法究竟佛慧得大勢是威音王佛壽四十萬億那由他恒河沙劫正法住世劫數如一閻浮提微塵像法住世劫數如四天下微塵其佛饒益眾生已然後滅度正法像法滅盡之後於此國土復有佛出亦号威音王如來應供正徧知明行足善逝世間解無上士調御丈夫天人師佛世尊如是次第有二萬億佛皆同一号最初威音王如來既已滅度正法滅後於像法中增上慢比丘有大勢力亦時有一菩薩比丘名常不輕得大勢以何因緣名常不輕是比丘凡有所見若比丘比丘尼優婆塞優婆夷皆悉禮拜讚歎而作是言我深敬汝等不敢輕慢所以者何汝等皆行菩薩道當得作佛而是比丘不專讀誦經典但行禮拜乃至遠見四衆亦復故往禮拜讚歎而作是言我不敢輕於汝等汝等皆當作佛四衆之中有生瞋恚心不淨

者惡口罵詈言是無智比丘徒
何所來自言我不輕汝而與我
等授記當得作佛我等不用如
是虛妄授記如此經歷多年常
被罵詈不生瞋恚常作是言汝
當作佛說是語時衆人或以杖
木瓦石而打搗之避走遠住猶
高聲唱言我不敢輕於汝等汝
等皆當作佛以其常作是語故
增上慢比丘比丘尼優婆塞優
婆夷号之為常不輕是比丘立臨
欲終時於虛空中具聞或音王
佛先所說法華經二十千萬億
偈悉能受持即得如上眼根清
淨耳鼻舌身意根清淨得是六
根清淨已更增壽命二百萬億
那由他歲廣為人說是法華經
於時增上慢四衆比丘比丘尼
優婆塞優婆夷輕賤是人為作
不輕名者見其得大神通力樂
說辯力大善察力聞其所說皆
信伏隨從是菩薩復化千萬億
衆令住阿耨多羅三藐三菩提
命終之後得值二千億佛皆号

日月燈明於其法中說是法華
經以是因緣復值二千億佛同
号雲自在燈王於此諸佛法中
受持讀誦為諸四眾說此經典
故得是常眼清淨耳鼻舌身意
諸根清淨於四眾中說法心無
所畏得大勢是常不輕菩薩摩
訶薩供養如是若干諸佛恭敬
尊重讚歎種諸善根於後復值
千萬億佛亦於諸佛法中說是
經典功德成就當得作佛得大
勢於意云何亦時常不輕菩薩
豈異人乎則我身是若我於宿
世不受持讀誦此經為他人說
者不能疾得阿耨多羅三藐三
菩提我於先佛所受持讀誦此
經為人說故疾得阿耨多羅三
藐三菩提得大勢彼時四眾比
丘比丘尼優婆塞優婆夷以瞋
恚意輕賤我故二百億劫常不
道佛不聞法不見僧千劫於阿
鼻地獄受大苦惱畢是罪已復
遇常不輕菩薩教化阿耨多羅
三藐三菩提得大勢於汝意云

何尔時四眾常輕是菩薩者豈
異人乎今此會中跋陀婆羅等
五百菩薩師子月等五百比丘
尼思佛等五百優婆塞皆於阿
耨多羅三藐三菩提不退轉者
是得大勢當知是法華經大饒
益諸菩薩摩訶薩能令至於阿
耨多羅三藐三菩提是故諸菩
薩摩訶薩於如來滅後常應受
持讀誦解說書寫是經尔時世
尊欲重宣此義而說偈言
過去有佛号威音王神智無量
將導一切天人龍神所共供養
是佛滅後法欲盡時有一菩薩
名常不輕時諸四眾計著於法
不輕菩薩往到其所而語之言
我不輕汝汝等行道皆當作佛
諸人聞已輕毀罵詈不輕菩薩
能忍受之其罪畢已臨命終時
得聞此經六根清淨神通力故
增益壽命復為諸人廣說是經
諸著法眾皆蒙菩薩教化成就
今住佛道不輕命終值無數佛
說是經故得無量福漸具功德

疾成佛道彼時不輕則我身是
時四部眾著法之者聞不輕言
汝當作佛以是因緣值無數佛
此會菩薩五百之眾并及四部
清信士女今於我前聽法者是
我於前世勸是諸人聽受斯經
第一之法開示教人令住涅槃
世世受持如是經典億億萬劫
至不可議時乃得聞是法華經
億億萬劫至不可議諸佛世尊
時說是經是故行者於佛滅後
聞如是經勿生疑惑應當一心
廣說此經世世值佛疾成佛道
妙法蓮華經如來神力品第二
十一
爾時千世界微塵等菩薩摩訶
薩從地涌出者皆於佛前一心
合掌瞻仰尊顏而白佛言世尊
我等於佛滅後世尊分身所在
國土滅度之處當廣說此經所
以者何我等亦自欲得是真淨
大法受持讀誦解說書寫而供
養之爾時世尊於文殊師利等
無量百千萬億舊住娑婆世界

菩薩摩訶薩及諸比丘比丘尼
優婆塞優婆夷天龍夜叉乾闥
婆阿脩羅迦樓羅緊那羅摩睺
羅伽人非人等一切衆生前現大
神力出廣長舌上至梵世一切
毛孔放於無量無數色光皆悉
遍照十方世界衆寶樹下師子
座上諸佛亦復如是出廣長舌
放無量光輝迦牟尼佛及寶樹
下諸佛現神力時滿百千萬億
後還攝舌相一時皆悉俱共
指是二音聲徧至十方諸佛世
界地皆六種震動其中衆生天
龍夜叉乾闥婆阿脩羅迦樓羅
緊那羅摩睺羅伽人非人等以
佛神力故皆見此娑婆世界無
量無邊百千萬億衆寶樹下師
子座上諸佛及見釋迦牟尼佛
共多寶如來在寶塔中坐師子
座又見無量無邊百千萬億菩
薩摩訶薩及諸四衆恭敬圍遶
釋迦牟尼佛既見是已皆大歡
喜得未曾有即時諸天於虛空
中高聲唱言過此無量無邊百

千萬億阿僧祇世界有國名娑
婆是中有佛名釋迦牟尼今為
諸菩薩摩訶薩說大乘經名妙
法蓮華教菩薩法佛所護念汝
等當深心隨喜亦當禮拜供養
釋迦牟尼佛彼諸衆生聞虛空
中聲已合掌向娑婆世界作如
是言南無釋迦牟尼佛南無釋
迦牟尼佛以種種華香瓔珞幡
蓋及諸嚴身之具珍寶妙物皆
共遥散娑婆世界散諸物從
十方來譬如雲集變成寶帳遍
覆此間諸佛之上于時十方世
界通達無礙如一佛土尔時佛
告上行等菩薩大衆諸佛神力
如是無量無邊不可思議若我
以是神力於無量無邊百千萬
億阿僧祇劫為囑累故說此經
功德猶不能盡以要言之如來
一切所有之法如來一切自在
神力如來一切祕要之藏如來
一切甚深之事皆於此經宣示
顯說具說汝等於如來滅後應
當心受持讀誦解說書寫如說

循行所在國土若有受持讀誦
解說書寫如說修行若經卷可
住之處若於園中若於林中若
於樹下若於僧坊若白衣舍若
在殿堂若山谷曠野是中皆應
起塔供養所以者何當知是處
即是道場諸佛於此得阿耨多
羅三藐三菩提若佛於此轉于
法輪諸佛於此而般涅槃爾時
世尊欲重宣此義而說偈言

諸佛救世者
為說眾生故

住於大神通
現無量神力

舌相至梵天

身放無數光

為求佛道者

現此希有事

諸佛謦歎聲

及彈指之聲

周聞十方國

地皆六種動

以佛滅度後

能持是經故

諸佛皆歡喜

讚美受持者

囑累是經故

猶故不能盡

於無量劫中

無邊無有窮

是人之功德

不可得邊際

如十方虛空

則為已見我

能持是經者

及諸分身者

亦見多寶佛

又見我今日

教化諸菩薩

能持是經者

令我及分身

流度多寶佛

一切皆歡喜

十方現在佛

并過去未來

亦見亦供養

亦令得歡喜

諸佛坐道場

所得祕要法

能持是經者

不久亦當得

能持是經者

於諸法之義

名字及言詞

樂說無窮盡

如風於空中

一切無障礙

於如來滅後

知佛所說經

因緣及次第

隨義如實說

如日月光明

能除諸幽冥

斯人行世間

能滅衆生闇

教無量菩薩

畢竟住一乘

是故有智者

聞此功德稱

於我滅度後

應受持斯經

是人於佛道

決定無有疑

妙法蓮華經囑累品第二十二

尔時釋迦牟尼佛從法座起現

大神力以右手摩無量菩薩摩

訶薩頂而作是言我於無量百

千萬億阿僧祇劫修習是難得

阿耨多羅三藐三菩提法今以

付囑汝等汝等應當一心流布
此法廣令增益如是三摩諸菩
薩摩訶薩頂而作是言我於無
量百千萬億阿僧祇劫修習是
難得阿耨多羅三藐三菩提法
今以付囑汝等汝等當受持讀
誦廣宣此法令一切衆生普得
聞知所以者何如來有大慈悲
無諸慳悋亦無所畏能與

衆生佛之智慧如來智慧自然
智慧如來是一切衆生之大施
主汝等亦應隨學如來之法勿
生慳悋於未來世若有善男子
善女人信如來智慧者當為演
說此法華經使得聞知為令其
人得佛慧故若有衆生不信受
者當於如來餘深法中示教利
喜汝等若能如是則為已報諸
佛之恩時諸菩薩摩訶薩聞佛
作是說已皆大歡喜遍滿其身
益加恭敬曲躬低頭合掌向佛
俱發聲言如世尊勅當具奉行
唯然世尊願不有慮諸菩薩摩
訶薩衆如是三反俱發聲言如

世尊勅當具奉行唯然世尊願
不有慮爾時釋迦牟尼佛令十
方來諸分身佛各還本土而作
是言諸佛各隨所安多寶佛塔
還可如故說是語時十方無量
分身諸佛坐寶樹下師子座上
者及多寶佛并上行等無邊阿
僧祇菩薩大衆舍利弗等聲聞
四衆及一切世間天人阿脩羅
等聞佛所說皆大歡喜

妙法蓮華經藥王菩薩本誓品

第二十三

爾時宿王華菩薩白佛言世尊
藥王菩薩云何遊放娑婆世界
世尊是藥王菩薩有若干百千
萬億那由他難行苦行善哉世
尊願少解說諸天龍神夜叉乾
闥婆阿脩羅迦樓羅緊那羅摩
睺羅伽人非人等又他國土諸
來菩薩及此聲聞衆聞皆歡喜
爾時佛告宿王華菩薩乃往過
去無量恒河沙劫有佛号日月
淨明德如來應供正徧知明行
是善逝世間解無上士調御文

夫天人皆佛世尊其佛有八十
億大菩薩摩訶薩七十二恒河
沙六聲聞衆佛壽四萬二千劫
菩薩壽命亦等彼國無有女人
地獄餓鬼畜生阿修羅等及以
諸難地平如掌琉璃所成寶樹
莊嚴寶帳覆上垂寶華幡寶瓶
香爐周遍國界七寶為臺一樹
一臺其樹去臺盡一箭道此諸
寶樹皆有菩薩聲聞而坐其下
諸寶臺上各有一百億諸天作天
妓樂歌讚於佛以為供養爾時
彼佛為一切衆生悉見菩薩及
衆菩薩諸聲聞衆說法華經是
一切衆生悉見菩薩樂習苦行
於日月淨明德佛法中精進經
行一心求佛滿萬二千歲已得
現一切色身三昧得此三昧已
心大歡喜即作念言我得現一
切色身三昧皆具得聞法華經
力我今當供養日月淨明德佛
及法華經即時入是三昧於虛
空中兩身陀羅華摩訶曼陀羅
華細抹堅黑旃檀滿虛空中如

雲而下又兩海此岸旃檀之香
此香六銖價直娑婆世界以供
養佛作是供養已從三昧起而
自念言我雖以神力供養於佛
不如以身供養即服諸香旃檀
熏陸兜樓婆里力迦沉水膠香
又飲瞻蔔諸華香油滿千二百
歲已香油塗身於日月淨明德
佛前以天寶衣而自纏身已灌諸
香油以神通力願而自燃身光
明徧照八十億恒河沙世界其
中諸佛同時讚言善哉善哉善
男子是真精進是真法供養
如來若以華香瓔珞燒香旃香
塗香天繒幡蓋及海此岸旃檀
之香如是等種種諸物供養所
不能及假使國城妻子布施亦
所不及善男子是名第一之施
於諸施中最尊最上以法供養
諸如來故作是語已而各默然
其身火燃千二百歲過是已後
其身乃盡一切衆生喜見菩薩
作如是法供養已命終之後復
生日月淨明德佛國中於淨德

王家結跏趺坐忽然化主即為
其父而說偈言

大三今當知

我經行彼處

即時得一切

現諸身三昧

勤行大精進

捨所愛之身

說是偈已而白父言日月淨明

德佛今故現在我先供養佛已

得解一切衆生語言隨羅尼後

聞是法華經八百千萬億那由

他執迦羅頻婆羅阿閼婆等偈

大王我今當還供養此佛自己

即坐七寶之臺上昇虛空高十

多羅樹往到佛所頭百禮足合

十指爪以偈讚佛

光明照十方

容顏甚奇妙

今復還親覩

我適曾供養

亦時一切衆生喜見菩薩說是

偈已而白佛言世尊世尊猶故

在世亦時日月淨明德佛告一

切衆生喜見菩薩善男子我退

槃時到滅盡時至汝可安施林

座我於今夜當般涅槃又勅一

切衆生喜見菩薩善男子我以
佛法囑累於汝及諸菩薩大弟

子并阿耨多羅三藐三菩提法
亦以三千大千七寶世界諸寶
樹寶臺及給侍諸天悉付於汝
我滅度後所有舍利亦付屬汝
當令流布廣設供養應起若干
千塔如是日月淨明德佛勅一
切衆生喜見菩薩已於夜後分
入於涅槃爾時一切衆生喜見
菩薩見佛滅度悲感懊惱慙慕
於佛即以海此岸旃檀為積供
養佛身而以燒之火滅已後收
取舍利作八萬四千寶瓶以起
八萬四千塔高三世界衆刹在
嚴垂諸幡蓋懸衆寶鈴爾時一
切衆生喜見菩薩復白念言我
雖作是供養心猶未足我今當
更供養舍利便語諸菩薩大弟
子及天龍夜叉等一切大衆汝
等當一心念我今供養日月淨
明德佛舍利作是語已即於八
萬四千塔前然百福莊嚴辟七
萬二千歲而以供養令無數求
聲聞衆無量阿僧祇人發阿耨
多羅三藐三菩提心皆使得生

明德佛舍利作是語已即於八
萬四千塔前然百福莊嚴辟七
萬二千歲而以供養令無數求
聲聞衆無量阿僧祇人發阿耨
多羅三藐三菩提心皆使得生

現一切色身三昧亦時諸菩薩
天人阿脩羅等見其無辟憂惱
悲哀而作是言此一切衆生喜
見菩薩是我等師教化我者而
今燒辟身不具足于時一切衆
生喜見菩薩於大衆中立此誓
言我捨兩臂必當得佛金色之
身若實不虛令我兩臂還復如
故作是誓已自然還復由斯菩
薩福德智慧淳厚所致當尔之
時三千大千世界六種震動天
雨寶華一切天人得未曾有佛
告宿王華菩薩於汝意云何一
切衆生喜見菩薩豈異人乎今
藥王菩薩是也其所捨身布施
如是無量百千萬億那由他數
宿王華若有發心欲得阿耨多
羅三藐三菩提者能燃手指乃
至足一指供養佛塔勝以國城
妻子及三千大千國土山林河
池諸珍寶物而供養者若復有
人以七寶滿三千大千世界供
養於佛及大菩薩辟支佛阿羅
漢是人所得功德不如受持此

法華經乃至一四句偈其福最
多宿王華譬如一切川流江河
諸水之中海為第一此法華經
亦復如是於諸如來所說經中
最為深大又如土山黑山小鐵
圍山大鐵圍山及十寶山衆山
之中須彌山為第一此法華經
亦復如是於諸經中處為其上
又如衆星之中月天子最為第
一此法華經亦復如是於千萬
億種諸經法中處為照明又如
日天子能除諸暗此經亦復如
是能破一切不善之暗又如諸
小王中轉輪聖王家為第一此
經亦復如是於衆經中處為其
尊又如帝釋於三十三天中王
此經亦復如是於諸經中王又如
大梵天王一切衆生之父此經
亦復如是於一切賢聖學無學及
發菩薩心者之父又如一切凡
夫人中須陀洹斯陀含阿那含
阿羅漢辟支佛為第一此經亦
復如是於一切如來所說若菩薩
兩說若聲聞兩說諸經法中處

為第一有能受持是經典者亦
復如是於一切眾生中亦為第
一一切聲聞辟支佛中菩薩為
第一此經亦復如是於一切諸
經法中最為第一如佛為諸法
王此經亦復如是諸經中王宿
王華此經能救一切眾生者此
經能令一切眾生離諸苦惱此
經能大饒益一切眾生充滿其
願如清涼池能滿一切諸渴乏
者如寒者得火如裸者得衣如
商人得主如子得母如喪得蘇
如病得醫如暗得燈如貧得寶
如民得王如賈客得海如怨除
暗此法華經亦復如是能令眾
生離一切苦一切病痛能解一
切生死之縛若人得聞此法華
經若自書若教人書所得功德
以佛智慧籌量多少不得其邊
若書是經卷華香瓔珞燒香抹
香塗香幡蓋衣服種種之燈種種
燈油燈諸香油燈瞻蔔油燈須
臈那油燈波羅羅油燈婆利師
迦油燈那婆摩利迦燈供養所

得功德亦復無量宿王華若有
人間是藥王菩薩本事品者亦
得無量無邊功德若有女人間
是藥王菩薩本事品能受持者

盡是女身後不復受若如來滅
後後五百歲中若有女人聞是
經典如說修行於此命終即往
安樂世界阿彌陀佛大菩薩眾
圍繞住處生蓮華中寶座之上
不復為貪欲所惱亦復不為瞋
恚愚癡所惱亦復不為憍慢嫉
妬諸垢所惱得菩薩神通無生
法忍得是忍已眼根清淨以是
清淨眼根見七百萬二千億那
由他恒河沙等諸佛如來是時
諸佛遙共讚言善哉善哉善男
子汝能於釋迦牟尼佛法中受
持讀誦思惟是經為他人說所
得福德無量無邊火不能燒水
不能漂汝之功德千佛共說不
能令盡汝今已能破諸魔賊壞
生死軍諸餘怨敵皆悉摧滅善
男子百千諸佛以神通力共守
護汝於一切世間天人之中無

如汝者唯除如來其諸聲聞辟
支佛乃至菩薩智慧禪定無有
與汝等者宿王華此菩薩成就
如是功德智慧之力若有人聞
是藥王菩薩本事品能隨喜讚
善者是人現世口中常出青蓮
華香身毛孔中常出牛頭旃檀
之香所得功德如上一所說是故
宿王華以此藥王菩薩本事品
喙累於汝我滅度後後五百歲
中廣宣流布於閻浮提無令斷
絕惡魔魔民諸天龍夜叉鳩槃
荼等得其便也宿王華汝當以
神通之力守護是經所以者何
此經則為閻浮提人病之良藥
若人有病得聞是經病即消滅
不老不死宿王華汝若見有受
持是經者應以青蓮華威滿鉢
香供散其上敬已作是念言此
人不久必當取直坐於道場破
諸魔軍當吹法螺擊大法鼓度
脫一切衆生老病死海是故求
佛道者見有受持是經典人應
當如是生恭敬心說是藥王菩

薩本喜品時八萬四千菩薩得
解一切衆生語言陀羅尼多寶
如來於寶塔中讚宿王華菩薩
言善哉善哉宿王華汝成就不
可思議功德乃能問釋迦牟尼
佛如此之事利益無量一切衆
生

妙法蓮華經妙音菩薩品第二

十四

爾時釋迦牟尼佛放大人相肉
髻光明及放眉間白毫相光徧
照東方百八萬億那由他恒河

沙等諸佛世界過是數已有世
界名淨光莊嚴其國有佛号淨
華宿王智如來應供正徧知明
行足善逝世間解無上土調御

丈夫天人師佛世尊為無量無
邊菩薩大衆恭敬圍繞而為說
法釋迦牟尼佛白毫光明遍照
其國爾時一切淨光莊嚴國中
有一菩薩名曰妙音久已殖衆
德本供養親近無量百千萬億
諸佛而悉成就甚深智慧得妙
幢相三昧法華三昧淨慧三昧

德本供養親近無量百千萬億
諸佛而志成就甚深智慧得妙
幢相三昧法華三昧淨德三昧
宿王戲三昧無緣三昧智印三
昧解一切衆生語言三昧集一
切功德三昧清淨三昧神通遊
戲三昧慧炬三昧莊嚴王三昧
淨光明三昧淨藏三昧不共三
昧日旋三昧得如是等百千萬
億恒河沙等諸大三昧釋迦牟尼
佛光照其身即白淨華宿王
智佛言世尊我當往詣娑婆世
界禮拜親近供養釋迦牟尼佛
及見文殊師利法王子菩薩藥
王菩薩勇施菩薩宿王華菩薩
上行意菩薩在嚴王菩薩藥上
善菩薩亦時淨華宿王智佛告妙
音菩薩汝莫輕彼國生下劣想
善男子彼娑婆世界高下不平
土石諸山嶽惡充滿佛身卑小
諸菩薩衆其形亦小而汝身四
萬二千由旬我身六百八十萬
由旬汝身第一端正百千萬福
光明殊妙是故汝往其輕彼國
若佛菩薩及國土生下劣想妙
音菩薩白其佛言世尊我今詣
娑婆世界皆是如來之力如來

神通遊戲如來功德智慧莊嚴
於是妙音菩薩不起于座身不
動搖而入三昧以三昧力於耆
闍崛山去法座不遠化作八萬
四千衆寶蓮華閻浮檀金為莖
白銀為葉金剛為鬚甄炆迦寶
以為其臺尔時文殊師利法王
子見是蓮華而白佛言世尊是
何因緣先現此瑞有若干千萬
蓮華閻浮檀金為莖白銀為葉
金剛為鬚甄炆迦寶以為其臺
尔時釋迦牟尼佛告文殊師利
是妙音菩薩摩訶薩欲投淨華
宿王智佛國與八萬四千菩薩
圍繞而來至此娑婆世界供養
親近礼拜於我亦欲供養聽法
華經文殊師利白佛言世尊是
菩薩種何善本修何功德而能
有是大神通力行何三昧願為
我等說是三昧名字我等亦欲
勤修行之行此三昧乃能見是
菩薩色相大小威儀進止惟願
世尊以神通力彼菩薩來令我
得見尔時釋迦牟尼佛告文殊

師利此久滅度多寶如來當為
汝等而現其相時多寶佛告彼
菩薩善男子來文殊師利法王
子欲見汝身于時妙音菩薩於
彼國沒與八萬四千菩薩俱共
發來所經諸國六種震動皆悉
雨於七寶蓮華百千天樂不鼓
自鳴是菩薩目如廣大青蓮華
葉正使和合百千萬月其面貌
端正復過於此身真金色無量
百千功德莊嚴威德熾盛光明
照耀諸相具足如那羅延堅固
之身入七寶臺上昇虛空去地
七多羅樹諸菩薩眾恭敬圍繞
而來詣此娑婆世界耆闍崛山
到已下七寶臺以價直百千瓔
珞持至釋迦牟尼佛所頭面禮
足奉上瓔珞而白佛言世尊淨
華宿王智佛問許世尊少病少
惱起居輕利安樂行不四大調
和不世事可忍不衆生易度不
無多貪欲瞋恚愚癡嫉妬慳慓
不無不孝父母不敬沙門邪見
不善心不攝五情不世尊衆生

能降伏諸魔怨不久滅度多寶
如來在七寶塔中來聽法不又
問許多寶如來安隱少惱堪忍
久住不世尊我今欲見多寶佛
身惟願世尊示我令見爾時釋
迦牟尼佛語多寶佛是妙音菩
薩欲得相見時多寶佛告妙音
言善哉善哉汝能為供養釋迦
牟尼佛及聽法華經并見文殊
師利等故來至此爾時華德菩
薩白佛言世尊是妙音菩薩種
何善根修何功德有是神力佛
告華德菩薩過去有佛名雲雷
音王多陀阿伽度阿羅訶三菴
三佛陀國名現一切世間劫名
喜見妙音菩薩於萬二千歲以
十萬種伎樂供養雲雷音王佛
并奉上八萬四千七寶鉢以是
因緣果報今生淨華宿王智佛
國有是神力華德於汝意云何
爾時雲雷音王佛所妙音菩薩
伎樂供養奉上寶器者豈異人
乎今此妙音菩薩摩訶薩是華
德是妙音菩薩已曾供養親近

無量諸佛久植德本又值恒河沙等百千萬億那由他佛垂德汝但見妙音菩薩其身在此而是菩薩現種種身處處爲諸衆生說是經典或現梵王身或現帝釋身或現自在天身或現大自在天身或現天大將軍身或現毗沙門天王身或現轉輪聖王身或現諸小王身或現長者身或現居士身或現宰官身或現婆羅門身或現比丘比丘尼優婆塞優婆夷身或現長者居士婦女身或現宰官婦女身或現婆羅門婦女身或現童男童女身或現天龍夜叉乾闥婆阿脩羅迦樓羅緊那羅摩睺羅伽人非人等身而說是經諸有地獄餓鬼畜生及衆難處皆能救濟乃至於王後宮變爲女身而說是經華德是妙音菩薩能救護娑婆世界諸衆生者是妙音菩薩如是種種變化現身在此娑婆國土爲諸衆生說是經典於神通變化智慧無所損減是

善薩以若干智慧明照娑婆世
界令一切衆生各得所知於十
方恒河沙世界中亦復如是若
應以聲聞形得度者現聲聞形
而為說法應以辟支佛形得度
者現辟支佛形而為說法應以
菩薩形得度者現菩薩形而為
說法應以佛形得度者即現佛
形而為說法如是種種隨所應
度者為現形乃至應以滅度而
得度者亦現滅度華德妙音菩
薩摩訶薩成就大神通智慧之
力其事如是亦時華德菩薩白
佛言世尊是妙音菩薩深種善
根世尊是菩薩住何三昧而能
如是在所變現度脫衆生佛告
華德菩薩善男子其三昧名現
一切色身妙音菩薩住是三昧
中能如是饒益無量衆生說是
妙音菩薩品時與妙音菩薩俱
來者八萬四千人皆得現一切
色身三昧此娑婆世界無量菩
薩亦得是三昧及陀羅尼亦時
妙音菩薩摩訶薩供養釋迦牟尼

尼佛及多寶佛塔已還歸本土
所經諸國六種震動兩寶蓮華
作百千萬億種種伎樂既到本
國與八萬四千菩薩圍繞至淨
華宿王智佛所白佛言世尊我
到娑婆世界饒益衆生見釋迦
牟尼佛及見多寶佛塔禮拜供
養又見文殊師利法王子菩薩
及見藥王菩薩得勤精進力菩
薩勇施菩薩等亦令是八萬四
千菩薩得現一切色身三昧說
是妙音菩薩來往品時四萬二
千天子得無生法忍華德菩薩
得法華三昧

